

110802

古今聯語彙選二集

第四冊

戲臺 雜題 投贈  
諧謔 諺語

上海商務印書館出版

戲臺

乙未萬壽戲臺聯

乙鳥降生商室瑞 未央歌舞漢宮秋

京師和春部戲館門外有集句聯云

和聲鳴盛世 春色滿皇州

天然莊麗云是張船山問陶太守所撰

真州察院舊為鹽政按部時掣鹽公所內有戲臺

曾賓谷中承煥有集句聯云

粉澤大猷元黃稗說 雲霞萬影絲竹千

聲

兩淮都轉署戲臺聯云

新聲譜出揚州慢 明月聽來水調歌

王夢樓先生構一樓題曰夢樓為演家樂之所集

古今聯語彙選二集 戲臺

句聯云

人世難逢開口笑

邗上報豐祠戲臺聯

老未聊發少年狂

簫鼓賽田神

川原通霽色

皇甫冉

王維

揚州護城河岸建板橋以通遊人岸上祇為堞雲

春暖一景堞雲春暖在松濠畔為巡撫江蘭與

其弟藩之別墅有韻協琅璈戲臺與慧因寺對

聯云

三花秀色通書幌

劉禹錫

一曲笙歌繞畫

梁曹松

無錫惠泉山張中丞廟戲臺聯

月近雲深遙想孤城橫篴

天心風色共

聽百世高歌

中興紀事載張巡守睢陽城孤勢蹙賦詩以厲將  
士其夜聞笛詩曰峇堯試一臨虜騎俯城陰不辨  
風塵色安知天地心營開星月近戰苦陣雲深且  
夕高樓上遙聞吹笛吟聯意本此

汪子淵太史題天津江蘇會館戲臺聯

日近長安鸞翔鳳翥衆仙下 風流千古

銅琶鐵板大江東

天津城隍廟戲臺梅寶璐聯云

善報惡報循環果報早報晚報如何不報  
名場利場無非戲場上場下場都在當

場

薛慰農觀察題全椒城隍廟戲臺聯

休怪他快意登場也須夙世根基纔能穀

屠狗封侯爛羊作尉 姑借爾寓言醒世  
一任當前烜赫總不過草頭富貴花面逢  
迎

成椒府城隍廟戲臺聯云

善惡報施莫道竟無前世事 利名爭競  
須知總有下場時

泗州鄧賢輔題桂林江南會館戲臺庭柱聯

數江東人士獨懷張步兵便饒丹荔黃蕉  
入夢猶思蕙菜雨 問粵西名臣首推馬  
文毅借取哀絲豪竹教忠先譜桂林霜

保定浙紹會館戲臺有山陰路照聯

別館接蓮池譜來楊柳雙聲古樂府翻新  
樂府 故鄉憶梅市聽到鷓鴣一曲燕王

# 臺作越王臺

俞曲園先生題蘇州浙紹會館戲臺聯

高會卽蘭亭敘觴詠幽情更饒絲竹興  
新聲徵菊部對蘇臺風月應憶鏡湖遊

海上新舞臺劇場有鄭海藏聯云

嘉榮前輩何哉舊人滿眼繁華歸稗史

韓娥曼聲秦青促節半城絲管入江風

按劉禹錫與歌者米嘉榮詩云唱得連州意外聲

舊人惟有米嘉榮近來年少輕前輩好染髭鬚事

後生又有詩云舊人惟有何哉在更與殷勤唱渭

城此聯爲海藏樓主人乙卯年所題

唐景崧放誕風流自居名士官臺灣藩司時適某

戲園落成求聯於唐唐立書一聯曰

古今聯語彙選二集 戲臺

眼前燈火笙歌直到收場猶絢爛 背後

湖光山色偶然退步亦清涼

或謂此聯殆可爲景崧生平寫照在官以大總統

收場則與上聯相符在野以書院山長終又與下

聯吻合也

粵東某處戲臺以粵語爲聯云

不怕紅毛鬼最怕白鼻哥搬是搬非兩便

刀弄出這般戲本 先殺黑心婦後殺藍

面佞硬趨硬馬週身膽方爲蓋世英雄

閩縣林燦如通守集四書題循州道署戲臺聯

河西善謳齊右善歌亦足以發 祝鮀之

佞宋朝之美其勢則然

有爲關帝廟戲臺聯云

顧曲小聰明當日可憐公瑾 搥鼓大豪傑至今猶罵曹瞞

山東曹州府爲羣盜出沒淵藪一日聚飲演劇其

戲臺上有聯云

慕朱家郭解爲人交徧寰區太史特開游俠傳 抱黃初建安之勳力匡王室英雄偏具聖賢心

某題木偶戲聯云

遇事強出頭此中大有人在 登場便抽脚天下其謂公何

戲臺楹聯有集佛經者云

一切應作如是觀有卽非有 衆心皆生大歡喜聞所未聞

有集六朝文語爲戲臺楹聯云

輕扇初開長眉始畫 鳴瑟向趙吹簫入

秦

戲臺聯多有不記出處傳誦人口者錄如後聯云

老的少的村的俏的睜睜眼看他怎的

歌斯舞斯哭斯笑斯點點頭原來如斯

又聯

你也擠我也擠此處幾無立脚地 好且

看歹且看大家都有下場時

又聯

問誰入世不諧容澤粉塗脂識破總非真

面目 何物嚇人真惡態齷齪擦掌看來

盡是假威權

又聯

恨我生不見古人 於此間少得佳趣

又聯

有出頭暫且居於人後 能立脚不妨混

乎衆中

又聯

看不真莫嘈請問前頭高見者 站得住

便罷須留餘地後人來

又聯

人情到底好排場耀武揚威任爾放開眉  
眼做 世事原來仍假局裝模作樣惟吾  
踏實脚跟看

又聯

古今聯語彙選二集

戲臺

既登傀儡場中須要眼孔放開細觀者樣

行爲轉瞬間彼興此敗 得入攀擠隊裏

切莫脚跟無定難怪那些搖動一時候東

倒西歪

又戲場看臺官廳聯

大抵民之所好 敢云吾不欲觀

又聯

得其所哉與民同樂 至於斯也居上不

驕

雜題一

明太祖賜駙馬梅殷府門春聯云

人間俗塵不到處 闕下恩榮第一家

崑山歸玄恭莊明亡祥狂肆志與顧亭林齋名所

居在叢冢之間時號歸奇顧怪嘗自榜其門曰

入其室空空如也 問其人囂囂然曰

蔡鴻遵本莆陽人宋忠惠公後裔明末遷吳中自

署門聯云

家藏東漢傳經字 世守西山講學編

又聯

字體琴聲中郎世業 茶牋荔譜學士家

風

沈歸愚尙書未達時曾居木瀆鎮自題門聯云

古今聯語彙選二集 雜題一

漁艇到門青漲滿 書堂歸路晚山晴

清高宗南巡至浙江杭城人家有懸桃符者云

一歲雙春三月閏 六巡兩浙萬民歡

鄭仁圃先生嘗官軍機撰直廬春聯集句云

春爲百歲首 月傍九霄多

繆蓮仙門聯

柴米油鹽事到開時無一件 文章學問

過思閉後有三分

吳柳堂先生題甲寅春聯云

五載郎曹竊比馮唐猶未老 一官獄吏

若逢周勃也稱尊

原跋是年補提牢在禁者訥鏡堂節相楊安卿中

丞甫出而勝帥復以初次被逮至

又丙寅春聯

九重春色新承澤 一部秋官舊讀書

原跋服闋後於乙丑春到京刑部奏留供職

又壬申春聯

聖代卽今多雨露 丹霄誰肯借梯航

又咸豐同治間春聯

無計還家槐蔭一庭晨課塾 有時到署

藤花滿架午參衙

又甲戌春聯

聖代卽今多雨露 謫居猶得住蓬萊

癸酉冬以劾成祿降三級調用

宜黃陳少香大令偕燦有詩書畫之譽宰閩中某

邑爲侍御杜君劾去歸是後卽以彈章中語署

門聯云

詩酒名士 烟火神仙

楊漪川侍御籍聞喜縣在都寓聞喜館榜其門云

何居我未之聞 見似人者而喜

翁叔平相國在樞府嘗題春聯云

盍簪喧櫪馬 束帶候鳴雞

又丁酉門聯

願誦南山壽 熙如北海春

又戊戌門聯

老驥思千里 鷓鴣足一枝

十字衰颯不堪當時見者訝其不祥卽於其年四

月二十日罷相八月政變坐舉康南海貶官

瀛壖雜誌云陽湖周弢甫比部騰虎生平以經濟



才自負嘗自署門聯云

有王來取法

無佛處稱尊

華亭周稚廉先生為鷹垂之子釜山太守之孫天

才雄放少年作錢塘觀潮賦為時傳抄嘗署門

聯云

論家世如閣帖官窰可稱舊矣 問文章

似談箋顧繡換得錢無

蓋二物皆松江產也

李碧舫孝廉僑居佛山咸豐甲寅土寇毀其室事

平乃重葺之落成日署一門聯云

脩我牆屋

反其毫倪

薛慰農集句白題門聯云

老去此身宜愛惜 閒來無事不從容

古今聯語彙選二集 雜題一

又集白香山句云

老自退閒非世業 貧蒙強健得天憐

又聯

兩浙東西十年薄宦 大江南北一箇閒

人

又聯

六代江山縱臨眺 一門鸞鷲起人文

甲辰順天鄉試周壽昌中南元乙巳會試蕭錦忠

殿元孫鼎臣朝元是科湖南八進士皆長沙府

人又黃輔相及其姪彭年中貴州進士原籍醴

陵題名日在京都長郡會館演劇會文正為書

門聯曰

同科十進士 慶榜三名元

今古聯語彙選二集 雜題一

江建霞在京師日自題馬廐門聯

羣空冀北

家在江南

黎大總統在清末爲鄂軍二十一混成協統領時

門大聯云

大澤龍方蟄

中原鹿正肥

江湘嵐先生僑寓篴子巷自題門聯云

梅占花魁愛旒旖春光若作和羹勞想像

巷名篴子念蒼茫時局待誰借箸共籌

商

南昌傅若生觀察館第門聯

聊復爾爾

對此茫茫

吾鄉屠敬山先生爲當代著作大家辛亥政變頗

欲以捍衛鄉里自任會有齟齬之者將率悍徒

攻先生先生星夜絕城去遂傷其足先生尋被

公舉爲民政長任事逾年頗多興革卸職後日

惟從事著述並署門聯云

倔強猶昔

沈吟至今

杭州徐仲可先生寓滬十八年會署門聯云

海上居大不易

人間世將何之

又聯

傳舍十三遷傍誰門戶 眷屬二三口累

我饑寒

又聯

掃徑待延客

閉門思讀書

又聯

東海家聲憂或替 西湖鄉夢約誰尋

原注西湖句以眷屬皆非浙人且兒子新六方供  
職財政部挈婦居京師也

曩游杭州所見館舍春帖子強半爲聖代卽今多

雨露故鄉無此好湖山兩句當時頗詫爲雅談

閔丁戊君小聯話知京官門聯亦多佳者如云

聖代卽今多雨露 人文從此煥星辰

又聯

聖代卽今多雨露 春光卽是大文章

又聯

聖代卽今多雨露 衆仙同日詠霓裳

某處新歲懸一門聯云

陽多匪陰多鬼我亦塵埃同靡靡其呼我

爲牛馬乎唯唯 醉裏臥夢裏歌爾胡冠

帶猶峨峨行將爾作犧牲矣呵呵

往年西曆二月三號爲陰曆新年元旦某君爲人

題門聯云

初三元旦

第二新年

金鶴望集句門聯

豈有文章驚海內 欲回天地入扁舟

又聯

天下興亡匹夫責 文章壇坫布衣高

河間有製酒家市招曰大有裘小華爲書門聯云

大田多稼 有酒盈樽

宋京口妓韓香除夜請客作桃符云

有客如擒虎 無錢請退之

雜題二

薛慰農觀察題吳江王氏義莊聯云

大義惟敬宗收族最先割千百畝膏腴其  
川三江其浸五湖荷鍤決渠同食福 達  
孝以繼志述事爲善經一再傳封殖我倉  
既盈我庾惟億瓜縣椒衍永承麻

清節堂始於吳下由紳士捐建以養廢婦之貧苦

無依者經費漸充規制盡善各府州皆仿而行

之曹良甫比部主講泰州時撰堂聯云

任卹重周官集一方秉穗餘資門題行義  
旃幃同夏屋完幾輩冰霜苦節臺築懷

清

如皋育嬰堂有縣令周霽樓聯云

古今聯語彙選二集 雜題二

子不子亦各言其子委而去之是可忍也  
孰不可忍也先王斯有不忍人之政 幼  
吾幼以及人之幼比而同之有以異乎曰  
無以異也大人不失其赤子之心

震澤縣積穀倉有薛慰農觀察聯云

其穀宜稻既堅既好 自天降康乃積乃  
倉

又題盛澤鎮積穀倉聯云

婁南應主藏天星斯萬斯千多多益善

吳下擅具區水利餘三餘九陳陳相因

蘇州積功堂乃掩骼埋胔之公所俞曲園先生題

聯云

積累譬爲山得寸則寸得尺則尺 功修

無倖獲種豆是豆種瓜是瓜

閩人謂殯屋曰權厝孟瓶菴攷功超然集四書為

聯云

可與權不過供為子職 及至葬然後盡

於人心

攷功常病人世惑於風水不葬其親錄唐以來諸

家論說以警惕之名誠是錄復揭此聯於殯室使

見者知所警云

福州惜字鑪聯相傳為孟瓶菴攷功所撰聯云

能知付丙者 便是識丁人

葛嶺染業公所燦霞室徐道正集句聯

虛室絕塵想 仙人好樓居

某題郵舍聯

險阻艱難備嘗之矣 勢位富厚可忽乎

哉

膠濟鐵軌之枕不用木而用鐵故車行之時稍覺

平穩某車站有一聯云

如砥如矢 至魯至齊

何蠖叟集詞句題西湖遊船聯云

雙槳來時有人似桃根桃葉 畫船歸去

餘情付湖水湖烟

錢塘丁君奚生湖船續錄云雲舫沈雲舫所造江

小雲丈即以其字題之并補書沈文忠公一聯

云

三十里光景無邊開口問西湖可能都變

作尊中綠酒 七百年風流未歇從頭數

南渡幾曾見銷盡鍋裏黃金

鄉村水會船首兩旁輒榜聯語亦有佳者如云

水面盡文章請過客停驂七日風光應共賞  
眼前皆錦繡願諸君回首十年花樣又添新

鄭仁圃集句題閩浙分水嶺聯

半嶺通佳氣 他鄉有勝緣

某省有嶺曰愁嶺或爲聯云

愁什麼信步行將去 歇也罷丟肩放下  
來

莫友芝集漢碑題泉州萬安橋聯

造道行義以爲利 圖功易危而成安

上海城南廿里爲龍華浦港口有百步橋南北十

丈穹然如虹浮圖七級頗壯麗九華山色近搗  
襟袖林蕩谿聯云

百步橋懸天柱迴 九峯山色酒杯青

杭州城外之半山桃花最盛花時游船屬集經秋  
紅葉亦極可觀旁有小橋橋門一聯云

欲泛仙槎向何處 偶傳紅葉到人間

貴州甲秀樓卽鄂制軍爾秦紀功處樓居南門外  
過浮玉橋橋環九洞跨牂牁江綠波清澈見底  
橋有亭柱鐫聯云

銀漢浮空星過水 玉虹抱雨雁橫秋

吾鄉玉帶橋聯

畫橋碧陰明漪絕底 綠杉野屋好風相

從

廣州小北門外有茶寮幽適宜人主人藏南漢地

券爲大寶五年刻因名曰寶漢茶寮有桂林倪

鴻集唐句一聯云

橋東橋西好楊柳 山北山南聞鷓鴣

又某君聯

商量白酒黃鷄局 點綴青山紅樹家

又聯

松煙落灑成珠玉 文字光彩垂虹霞

又聯

路尋青壑斷 人近白雲居

又聯

對酒思小隱 嘗茶近竹幽

廣州北門外憩雲亭茶室與寶漢茶寮相距不遠

有集聯云

孤亭得小憩 高嶺出層雲

又平陽居士聯

憩石煮清泉添薪試火供茶竈 雲山開

疊嶂種竹和煙護草亭

湖南某邑茶寮名晤園武陵陳光絨題聯云

且圖良晤 莫負名園

又有茶寮名醒園者聯云

忍獨爲醒 有如此園

里門玉壺春茶寮費惕臣師有聯云

新詩玉局松風作 大隱壺公杖履春

黃廂嶺有望蘇亭施茶所也大興劉處士繼莊題

聯云

趙州茶一口喫乾 臺山路兩脚走去

邗上拙安氏題西湖三雅園茶館聯

十載許勾留與西湖有緣乃嘗此水 千

秋同俯仰惟青山不老如見古人

綠楊茶社與薛廬隣在烏龍潭側慰農觀察題聯

云

桃花潭水汪倫宅 芳艸斜陽孫楚樓

又聯

訪勝古西巖看青山揖客紅杏招人風暖  
塵香正好停車謀雅集 沾春小東道喜  
調水符來賣餠簫喚賞心樂事何妨畫壁  
記清遊

揚州新城六安山僧茶葉館也鄭板橋書聯云

從來名士能評水 自古高僧愛鬥茶

雲南趙州南十五里金山寺茶亭有阮文達聯云

買絲客去休澆酒 餽餅人來且喫茶

某山涼亭聯

那條窄路兒且須讓一步他過不去你怎  
過得去 這等重擔子也要任幾分我做  
弗來誰又做得來

黔北羊棧嶺茶亭汪謙子題聯云

南南北北總須歷此關頭且坐斷鐵門限  
辦夏水冬湯應接過去現在未來三世諸  
佛上天下地 東東西西阿誰瞞了跟脚  
試豎起金剛拳擊晨鐘暮鼓喚醒眼耳鼻  
舌身意六道衆生吃飯穿衣



延平胡孝廉雲章渡口亭聯

轉瞬卽天涯坐坐吃筒烟去 前頭多地

主看看等箇船來

福州南臺萬壽橋北舊有錦江樓酒館俯臨大江

頗饒勝概後歇有吳人蘇姓者繼其業烹調均

蘇式於舊號下增蘇春記三字遍徵文人聯句

須分嵌新舊字號其中閩縣鄭薌樵茂才題聯

云

蘇臺春色平分好與鶯花同作記 錦里

江光近接爲看風月一登樓

福州南臺廣聚樓酒館近挹天寧山區菊泉少尉

聯云

美酒可銷愁入座應無愁裏客 好山真

似畫倚欄都是畫中人

海上小有天閩菜館有曾農髯集陶聯云

濁酒聊自適

鼓腹无所思

又鄭海藏聯

道道非常道

天天小有天

原跋有黃冠道服之士時時見於小有天座中其

人有邁世之高節號李道人者是也耐寂戲贈此

聯書此張諸壁

又清道人聯

越禮自驚衆

重觴欲忘天

又有某閩菜館鄭海藏亦題聯云

且食蛤蜊焉知許事

但有螃蟹而無監

州

海上小桃源酒肆專鬻湘中殺饌聯云

同是洞庭人請君試看東流水 暫游桃

源裏與爾共銷萬古愁

吾鄉王君春生近於海上設一酒寮其市招曰蘭

陵酒蓋土物也或謂謫仙所詠之蘭陵酒非吾

蘭陵人所稱之蘭陵酒信矣今王君所酌釀實

出名手同人等每讌飲於此予代莊百俞君贈

一聯云

望古有懷壺公隱 入陣齊唱蘭陵王

又方君叔遠聯

不問神似形似 相期醉鄉故鄉

予廣叔遠之意亦贈集句一聯云

天下名士有部落 人生何處不相逢

古今聯語彙選二集 雜題二

朱雅南少尉振麒題錢米店聯云

尙亦有利哉 可以無飢矣

李君澍生近設工廠於海上其市招曰振生延聘

中西醫士如惲君鐵樵陸君掬軒監製家用良

藥值廉而效宏又聘技師精製化妝品並皆佳

妙予題聯云

參貫中西成一家法 招邀士女游化人

天

無錫孟淵旅社聯

孟子仁義禮 淵明歸去來

海上有游戲場曰新世界結構閎侈近又闢地道

越馬路於其對面有極華美之建築俗亦名曰

新新世界予戲擬一聯云

七

諸天諸世界諸星諸世界 一花一如來  
一葉一如來

又有游戲場曰大世界其闕麗與新世界相伯仲

甲乙兩游客一作悲觀而一作樂觀予戲擬一

聯云

借繁華喚醒癡迷但憑一指禪便勘破大  
千世界 是英雄不廢聲色直到百年後  
再做個烟火神仙

又某君聯

雅有廣廈萬間想 難得浮生半日間

海上有大商場曰先施公司鄉人之初來滬地者

乍聆之或誤稱先施為西施以音近也商場之

上又有絕大之游戲場曰樂園予擬聯云

世界昇平何日彈指華嚴東方於今有樂  
國 英雄見解略同比肩林立西施從來  
不效顰

丁巳秋順直水災西湖籌賑游覽會女書場張堅

聯云

以水監當於民監 盡信書不如無書

又聯

我佛以色相示人原思普渡衆生開場演  
說 同胞因飢溺待拯只得敷陳片席借  
助弦歌

又遊覽大會聯

博施濟衆 救災卹鄰

又聯

天下自任故飢猶已飢溺猶已溺 民吾  
同胞願解衣衣之推食食之

耐冬集四書句題京師第一監獄新築特別優待

室聯

往之女家足以有別也 相在爾室若是  
其大乎

又聯

館於上宮是予所欲也 修我牆屋每人  
而悅之

又聯

君子去仁而願爲之有室 小人行險不  
得受於其家

又聯

居處不安何以能鼓樂也 宮室之美庶

幾無疾病與

又聯

樂莫大焉匪直爲觀美也 薄乎云爾又  
從而禮貌之

新居聯

卜云其吉

何用不臧

西南其戶

道義之門

居室格言聯

讀書好耕田好識好便好 創業難守身  
難知難不難

又聯

斯是陋室

每有良朋

古今聯語彙選二集 雜題二

旅館聯

其來有自

且住爲佳

漁家聯

風便送歸楊柳渡

月斜留醉荔枝灣

又聯

桃花流水杳然去

斜風細雨不須歸

## 雜題三

朱子於紹熙五年築滄洲精舍時年六十有五矣

自書一聯云

### 佩韋遵考訓

### 晦木謹師傳

朱子父韋齋先生嘗自謂卞急害道因取古人佩韋之義爲號又朱子受業於劉屏山先生先生有字朱元晦祝詞云交朋尙焉請祝以字字以元晦表名之義木晦於根春榮華敷人晦於身神明內腴云云

茶餘客話云申巖盥涵光題書室聯云

學古之志未衰每日必擁書早起 干世

之心已絕無日不飲酒高歌

湯東谷廳事春聯云

東坡居士休題杖 南郭先生且濫筇

又後應聯

片言曾折獄

一飯不忘君

東谷嘗從興濟伯楊忠定公奉迎鑾輿故云

其東偏云

暫拄西山笏

閒開北海尊

其西偏云

長身唯食粟

老眼漸生花

永樂帝酷慕仙人張三丰命尙書胡榮訪之事詳

明史時年一百八十歲沈萬山爲三丰題丹室

聯云

八百火牛耕夜月 三千玉女笑春風

陳白沙先生行狀載有李某裹糧自嘉魚數千里

從學白沙凡二年先生服食行纏待之如子弟  
後築楚雲臺以居之臺榜一聯云

有月巖光灑 無金郭隗臺

伏寧金正希先生明末督鄉兵與清戰不敵殉焉  
其末達時家貧苦讀管題書齋自勵聯云

窮已徹骨尙有一分生涯餓死不如讀死  
學未愜心正須百般磨鍊文通卽是運

通

又聯

破釜沈舟百二秦關終屬楚 臥薪嘗膽

三千兵甲定吞吳

又聯

讀律書懼刑讀戰書懼兵讀儒書兵刑不

懼 耕堯田憂水耕湯田憂旱耕心田水  
旱無憂

廣陽雜記云今堂子中所祀鄧將軍諱子龍江西

南昌豐城之間人少饒膂力家貧事母至孝常

遇賊負母而走賊追及之將軍曰吾將避汝汝

來尋我是當死也遂與賊戰數十人莫測其鋒

人始知其勇後人行伍以功封官歸有聯云

百戰歸來剩得鬢邊白髮 千金散盡惟

留江上青山

黃石齋先生被執拘禁中洪承疇往視之先生閉

目未視洪旣出先生舉筆成書一聯云

史筆流芳雖未成名終可法 洪恩浩蕩

不能報國反成仇

蓋成仇與承疇同音

相傳山東衍聖公府有聯云

與國咸休安富尊榮公府第 偕天不老

文章禮樂聖人家

李雨村調元制義科瑣記云章孟端爲御史多所

彈劾中貴忌之罷歸諸子遵中進士爲京官同

處一邸書聯於壁云

四壁金花春宴罷 滿床牙笏早朝歸

康熙時無錫杜紫綸進迎鑾詞邀宸賞召入內庭

纂修歷代詩餘及詞譜書成賜進士改庶常以

養親歸自題書齋聯云

但願老充詩社長 不妨狂作酒家傭

洪北江云唐少府軼華居中河橋側余未出塾即

與訂交侷儻有俠氣沉淪簿尉非其志也今寄

居皖公山左余遊匡廬便道訪之爲題柱帖云

看山蹤跡吾還健 入世心期爾最先

徐清惠公宗幹集唐開元春山銘字爲聯云

載錫之光百祿是荷 則篤其慶萬福攸

同

彭文勤公有集句堂聯云

立身行道揚名於後世 夙興夜寐無忝

爾所生

桐城張文端公父子端揆文和公自撰堂聯云

兩世三公太平宰相 一堂五代富貴神

仙

長洲沈玉生上舍齋中懸一聯云



願與不解周旋客飲酒 難爲不識姓名  
人作書

錢唐江程香跋云此桂未谷集史書中語也

梁苴隣中丞壬寅引疾僑居浦城因購地數分縛

茅架屋暫爲受廬之寄因就舊詞稍更新意中

堂聯云

歷宦海兩朝身萬頃驚濤仗忠信 借他

鄉一廛地卅年此屋亦辛勤

韓詩辛勤三十年以有此屋廛

又聯

安土而能敦因寄所託 擇鄰焉得智且

住爲佳

宅左有園園中池上草堂聯云

客來醉客去睡老無所事吁可愧 論學  
粗論政疎詩不成家聊自娛

又聯

地價不妨多明月清風本無價 物情何

足校近水遙山皆有情

原注此聊紀近事而借歐陽文忠及蘇子美詩語

以解嘲也

又書室中一聯云

平地起樓臺流寓依然吾土美 著書多

歲月退思未報主恩深

吳柳堂侍御被議後自撰聯云

春色藹南台愧今生衰朽殘年難言封事

烽烟淨西極念此去優游故里總屬天

恩

故事翰林稱先入館者為前輩其人入閣則改稱

中堂合肥李少荃伯相大拜時太夫人猶在堂

嘗改袁子才先生六十自壽詩為聯云

已無朝士稱前輩 尙有慈親喚小名

汪叔明先生自撰聯

丹青不知老將至 富貴何如詩可傳

又聯

受祿稱庸才從大夫之後 讀書仍本色

近聖人之居

又聯

六十年涉歷多艱投老方知閒退好 五

千卷搜羅非易抱殘還望子孫賢

高郵李秀才震清善古文詞暮年以詩酒自豪嘗

題座聯云

忍辱可為仙已受過世人幾千場訕笑

安貧惟樂道終難改自己這一點癡臉

臺灣王樓邸殿撰居十五子之列嘗撰聯云

爐中蠟酒翻花熟 案上金聯帶草書

此聯為宋牧仲所擊節後竟大魁

彭秋水堂聯云

向平婚嫁貧中畢 庾信文章老更成

王武壯幄帷中常懸聯云

士可殺不可辱 兵貴精豈貴多

楊果勇侯芳自撰楹帖云

忌我何嘗非賞識 欺人畢竟不英雄

湯樸庵大令聯

奇士倖邀庸福少 冷官每具熱腸多

福州劉冰如方伯嘗自撰楹帖云

昌黎文必自己出 君實事可對人言

福州趙又銘方伯咸豐中以檢討爲冊封琉球使

自撰楹帖云

乘長風破萬里浪 見海日照三神山

張仲甫齋中亦有自撰聯句云

陰陽風雨晦明受之以節 夢幻露電泡

影作如是觀

吳讓之書法入魏晉諸賢之室累於家務有寡媳

甚悍晚年至避居僧寺自署聯云

有子有孫鰥寡孤獨 無家無室柴米油

鹽

某大令以名孝廉宰江山工詩善畫個體風流公

暇常攜名姬乘畫舫往來山水佳處集句自題

一聯云

現宰官身色卽是空空卽是色 作江山

主詩中有畫畫中有詩

平定令某因事去職壬寅元旦撰堂聯云

葉令躡雙鳧九重春殿同颺拜 陶公生

八翼四大天門獨往來

會稽朱應鑄高祖歸愚先生集句齋壁聯云

自長非所增自短非所損 獨立不慚影

獨寢不慚魂

上聯出列子力命篇下聯出晏子外篇劉勰新論

之改魂爲衾後人相承習用忘其本矣

朱應鑄五世同居廳事有聯云

學以居敬窮理爲本 道在事親從兄之

間

懷寧舒摯甫紹基自幼嗜學旣冠留心經世之務

於書靡不窺以道員官江蘇年三十七卒於金

陵精局差次著有固庵詩集天人清籟集等書

其書齋聯云

讀古人書須設身處地一想 論天下事

要揆情度理三思

蔣智由先生辛亥出京至濟南撰聯云

未逢前席問蒼生且容我款段出都長嘯

去也 重指吟鞭向歷下試看此層巒繞

郭相識猶曾

奉新姚君鴻元云余宗於去年重修家乘余題聯

於局中云

李綱罷相累及外家憶先世避地西江六

七族椒衍瓜縣若汪若黃禍我翻成福我

至正肇修訖茲民國溯前徽發跡南宋

十二次梨災棗火卽彭卽蔡宗同不必姓

同

貴州桂丹盟廉訪家居時富收藏會賊犯縣境倉

猝避盡棄以行尋宅爲一賊目所據以爲必

歸烏有矣及賊去歸則完好如故且應事中高

懸一聯爲賊目所題句云

觀世若奕棋勝負難分惟高手先人一著

開懷宜飲酒醉醒莫問是同心勸我三  
杯

薛慰農觀察自題金陵薛廬聯云

白下富鶯花旁人錯比謝安石 青山狎  
猿鳥此地曾栖雷仲倫

又題有叟堂聯云

作吏十六年主講十六年壯志消磨借一  
角溪山娛老 種竹數百本植松數百本  
歲寒蒼翠與滿城桃李同春

又題仰山樓聯云

林巒入望互西郭 風月可談如南樓

又題鳳林寺後薛廬聯

白社論交留此間香火因緣割半壁棲霞

暫歸結十六年塵夢 青山有約期他日  
煙雲供養挈一肩行李重來聽百八杵鐘  
聲

薛慰農觀察重蒞西湖續題題襟館館在薛廬

內聯云

十四年蠟屐重來感今話昔講藝論心雲  
時託想千秋期對此湖山不愧 二二三子  
搏沙再聚循吏清曹閒官冷宦他日各成  
一傳幸銘諸金石無渝

又集句聯

清心復我生初理 白眼看他世上人

又錄先伯兄遺句云

熟客不妨來獵酒 先生也是愛澆書

薛慰農觀察自題書舍聯云

白香山廣大教主 陸天隨江湖散人

又聯

不著衣冠門前久謝乘軒客 只談農圃

月下欣聞打稻聲

又題其兒子書齋聯云

爭上流防下達 敦古道近人情

瀏陽縣產菊花石譚復生嘗銘以爲硯因名廬曰

石菊影又以陶詩遠我遺世情之言名堂曰遠

遺因集禮帖字聯於壁曰

人在有情天得此羣山暫舍事事 生豈

無懷世每當九日亦自欣欣

原跋瀏陽菊石溫而縝野而文復生謂已其影名

古今聯語彙選二集 雜題三

石菊影於廬欲言其意不能而遠我遺世情柴桑

固爲我言復名遠遺於堂欲書其言不能而修鵬

事之序山陰固爲我書甄而錄之用屬吳君小珊

又聯

雲聲雁天夕 雨夢蟻堂秋

沈曉沂絕愛之以爲晶瑩淒惻骨重神寒但當翦

取半江水醮筆書之耳

餘杭山中某氏堂聯云

無狂放氣無道學氣無名士風流氣方稱

儒者 有誦讀聲有紡織聲有小兒啼哭

聲纔算人家

浦城鄉中某氏有一堂聯云

讀書好耕田好要好便好 創業難守成

九

難知難不難

某山中靜室聯

仲尼作史二百四十年何如皮裏春秋都  
無一字 廣成修道一千二百歲不知壺  
中日月纔過分陰

又聯

太白邀月舉杯算我惟堪對影 生公聚

石說法問人反不點頭

唐陶山家有果克堂自題聯云

克己最嚴須從難處去克 爲善必果勿  
以小而不爲

吳倉石自撰聯云

龍兩耳夔一足 缶無咎石敢當

倉石耳聾足跛自號老缶石其字也先是喻志韶  
贈以一聯爲龍兩耳跛一足學三絕人千秋倉石

爲改之如此舉以告人欣然自喜

金硯君先生題劉紫洞遺照集杜聯云

今日幾人存酒闌却憶十年事 何由似  
半昔筆陣獨掃千人軍

海陵朱劍青嘗攝一道裝小影自題聯云

此身又落塵寰細算算後果前因那一著  
放鬆怎逃得三生業障 凡事都爲夢幻  
試想想未來過去要十分受用須打開萬  
種迷團

桐鄉徐瘦生茂才終身不娶自署其棺曰獨室並

題聯云

埋憂待荷劉伶鍾 行樂先題表聖詩

陸薌昀教授元錚得嘉木於台州製棺額曰止止

居書聯云

一生倏忽少壯老 萬事脫離歸去來

薛慰農觀察集句題姬人室聯

芳草有情夕陽無語 海棠開後燕子來時

梁星海題其夫人所居室曰棲鳳有聯云

零落雨中花春夢驚回棲鳳宅 綢繆天

下事壯心銷盡石魚齋

石魚齋星海讀書精舍

丁戊云亡室姚近宜女士有福慧兼修閑隨筆所

題金陵寓廬係得同意之作聯云

古今聯語彙選二集 雜題三

偕隱白門近山近水 嬾看青史宜室宜

家

釋德清字憨山初任曹溪萬曆時說法匡廬文字

敏妙有聯云

燕語破新寒望山嶺雲封生意遠浮春草  
色 蟲鳴入詩思看沙汀月照瑤琴音續  
夢痕香

查蓮坡詩話云雪嶠大師圓信又號雪獅子結茅

黃山中獨居一菴自書聯云

孤雪臥此中 萬山拜其下

按此聯近人沈鼎山倒用其語榜於黃山文殊院

云書道據上人不知何據豈雪嶠一號道據耶

杭州比丘尼弘通聯



詩可呈於佛

愁難說向人

汪龍莊大令爲刑名幕賓時書聯座右云

苦心未必天終負 辣手須防人不堪

錢季重秀才負才偃蹇與黃仲則同時同里北江

詩話稱其飲酒使氣有不可一世之概溺愛三

子常與嬉戲其座右一聯云

酒酣或化莊生蝶 飯飽甘爲孺子牛

戊午七夕浣姬率兒輩爲乞巧之戲僕本恨人驚

心不已爰綴集餅水齋七夕鴛鴦湖詩爲聯云

衣裳七日風露雙星兒女太丁寧可知道

神仙辛苦 舊話烏頭今歡鵲尾離合如

夢幻一任他詩句飄零

丹徒張伯治巡檢騏偕其嘉耦錢蓮因女史守璞

並以詩畫擅名論畫則伯治爲精論詩則蓮因尤健粵西邊瘠之區蓮因開關隨宦能相其夫嘗因伯治豪飲健談爲手書一聯云

人生惟酒色機關須百鍊此身成鐵漢  
世上有是非門戶要三緘其口學金人

侯官連梅耦明經攀桂學行醇篤有聯云

暗室中須問心得過 平地處亦失足堪

虞

林衡甫縣尉慶銓取會南豐四忌銘甌西日記語

爲聯云

著書忌早處事忌擾立朝忌巧居室忌好  
制行欲方行事欲圓存心欲拙作文欲

華

沔陽王裕泉太守冕南言其先德九香先生樹芬

於宋儒最推服劉公是嘗集其弟子記中語爲

聯云

智不求隱辨不求給名不求難行不求異

進莫若讓勇莫若義貴莫若仁富莫若

廉

周子曰公生明廉生威士大夫若愛一文不值一

文陳簡齋曰從來有名士不用無名錢傳一風

曰對失意人莫談得意之事處得意日當思失

意之時陶願甫先生嘗集爲聯帖云

莫對失意人而談得意事 從來有名士

不取無名錢

閩縣葉季韶舍人儀昌集格言聯云

玩人喪德玩物喪志 多見闕殆多聞闕

疑

以論語對尙書

又聯

色卽是空空卽是色 恩生於害害生於

恩

以陰符對佛經

又聯

美言不信信言不美 疑人莫用人莫

疑

以陸宣公奏疏語對道德經

太倉孫少彭太守壽銘集格言聯云

口莫多言情莫多妄 名可強立功可強

成

以文子續義語對傅子口銘

又聯

易樂必多哀輕施必好奪 正誼不謀利

明道不計功

以董子語對中說王道篇語

又聯

好學近智力行近仁知恥近勇 在官惟

明蒞事惟平立身惟清

以忠經守宰篇語對中庸

又聯

霸國戰智王國戰義帝國戰德 上士閉

心中士閉口下士閉門

上聯出中說問易篇下聯出龔氏鼎臣中說註

張文端嘗撰二聯一云

造物最忌者巧 萬類相感以誠

又云

富貴貧賤總難稱意知足即為稱意 山

水花竹無恆主人得閒便是主人

鄧完白聯

小飲却愁少思却夢種花却俗焚香却穢

容人却侮謹身却病 靜坐補勞獨宿補

虛省用補貧為善補過寡言補煩息忿補

氣

左文襄聯

發上等願享下等福 從高處立向寬處

行

程季英聯

放開肚皮吃飯

立定腳根做人

普通格言聯

小人下達

君子中庸

得過且過

自然而然

丈夫志四海

古人情分陰

作事須憑肝胆

爲人莫負鬚眉

豈能盡如人意

但求無媿我心

聯語中有據寫懷抱雋永可喜者包慎伯聯云

盡交天下賢豪長者

常作江山烟月主

人

何子貞聯

古今聯語彙選二集 雜題三

坐到二更合眼即睡 心無一事敲門不

驚

又有足資普通應用者類識於後

亦足千古

忽然半生

每思于物有濟

自愧爲人所容

嘗未飲酒而醉

以不讀書爲高

讀書作文我用我法

蒔花種竹吾愛吾

廬

每想病時塵心漸滅

常防死日善念自

生

欲除煩惱須成佛

各有來因莫羨人

一物不知儒者之恥

片長自足壯夫不

爲

楹帖中有至質而有味者惜不知爲何人手筆聯  
云

白菜青鹽糙米 瓦壺天水菊花

自來名人楹帖多有寶其真蹟鄉里流傳至題識  
所在或投贈誰某一時無從深攷者今亦類識  
於後以見一斑黃道周楹帖云

謝安石有言聖賢去人其間幾何 陶弘  
景復云仰視雲日不爲遠矣

楊文聰楹帖

隨處傍鶯花杉檜道林空四絕 清梵誇

鷺嶺雲煙嶽麓瞰三湘

王元照楹帖

染成綠萼初華好覺暗香入畫 偶得古

人精册較勝春月在庭

吳梅村楹帖

重來雪棹滄江彷彿寒牕披畫卷 坐起

梅花亂落時因吾友長相思

蔣南沙楹帖

梅老格高橫枝貴疎瘦 筆奇腕弱飲興

轉蠹豪

杭大宗楹帖

作客思秋議圖赤脚婢 品茶入室爲遣

長鬚奴

楊沂孫楹帖

忙裏有餘閒登山臨水觴詠 身外無長

物布衣蔬食琴書

張叔未楹帖

槐花黃舉子忙

文選爛秀才半

馬元馭楹帖

牌刊紫玉塘灩春紅流水都看雲錦 新

竹烟深好花露重東風扶上闌干

禹愼齋楹帖

看瀟酒青衫一夜春風艷桃李 愛高陽

白酒三山秋月醉神仙

康南海楹帖

靈石一千尺 天花百億年

雲龍遠飛駕 天馬自行空

自來遺聞瑣事足資談助故識小亦可行遠相傳

朱朶山殿撰昌頤未第時見其叔父虹舫閣學

古今聯語彙選二集 雜題三

侍兒多多者心悅之未能請也適此婢索書楹

帖因信筆製一聯云

一心祇念波羅蜜 三祝難忘福壽男

聯爲閣學所見欲以婢賜之婢謂九郎若中狀元

吾當歸焉明年朶山果大魁閣學爲成其事當時

傳爲佳話云

虞長孺曰天地一梨園也陳眉公曰佛氏者朝廷

之大養濟園也某君戲題一聯云

佛門大養濟將鰥寡孤獨爲僧尼億千萬

人徧受十方供養 世界小梨園牽帝王

師相爲傀儡二十一史演成一部傳奇

胡月樵嘗誦一聯云

情人抓背上些些再上些些真癢痛全憑

十七

自己 對客猜拳著了著了又著了好消息還在他家

右台仙館筆記云咸豐初粵事方起有海鹽查某

夢至一處見文案山積數十人繕寫猶若不及

楹間懸一聯意不可解而語頗可誦聯云

弱柳瓊簫仙有劫 落花銅鼓佛無靈

丁戊君在江西進賢縣時友人請製玻璃榻子篆

字聯欲可兩面視聯云

平野百章木 開門十里山

又聯

幽蘭空谷 大木崇山

高宗巡狩木蘭出塞時夾道皆松樹口占聯語令

彭文勤屬對聯云

八十君王處處十八公道旁獻壽 文勤思  
久不屬上命馳告紀文達於前途文達應聲曰 九  
重天子年年重九節塞上稱觴 上大喜曰真  
天才也文勤夙敏悟至是始服文達云

投贈一

朱晦菴贈漳州士子聯云

東牆倒西牆倒窺見室家之好 前巷深

後巷深不聞車馬之音

家風輯畧云天啓丁卯間余季父砥圃公受知於

督學使者賈侍御補邑諸生先考述明公贈聯

云

誦鼎上辭長願景行正考父 任天下事

可能遙揖范希文

清聖祖賜張文端公英聯

白鶴忘機任天外雲舒雲卷 青春不老

看庭前花落花開

康熙四十二年春聖祖再南巡時宋牧仲尙書筆

古今聯語彙選二集 投贈一

任江蘇巡撫諭嘉公居官安靜和平得大臣之

體賜書額曰清德堂賜聯曰

官箴三命懍 家學一經傳

又聯

地聯江海屏藩重 賦甲東南節鉞雄

梁文莊公詩正乾隆十七年陳情乞養御賜聯云

身依東壁圖書府 家在西湖山水間

朱竹垞贈顧寧人聯

入則孝出則弟守先王之道以待後學

誦其詩讀其書友天下之士尙論古人

金德輝工度曲向會供奉景山以老病乞退粗通

翰墨喜從文人遊一日請於嚴問樵曰某老矣

業又賤他無所願從公乞一言繼柳敬亭蘇崑



古今聯語彙選二集 投贈一

玉後嚴感其意爲書一聯云

我亦戲場人世味直同雞棄肋 卿將狎

客老名心還想豹留皮

乾隆間慶蕉園宮保爲廣東將軍王省崖尙書贈

聯云

恩衍韋平祖父子孫二宰相 家傳忠孝

弟兄叔伯四將軍

阮文達贈李西巖總鎮長庚聯

海天飛礮親搗鼓 夜月揚帆坐讀書

鎮江有某巖商欲求阮文達書楹帖文達未之許

也而某商愈欲得之文達令人語之曰我有兩

部舊書應歸鎮江人刊行如肯成其美事必書

楹帖以報之某商首肯文達卽日以七字聯句

獎之云

古籍待刊三十載 舊聞新見一千年

跋云嘉慶間余得宋嘉定元至順鎮江府志兩部

皆四庫未收之書曾經進呈得蒙恩鑒因以底本

貯之焦山書藏三十餘年無過而問者歲辛丑丹

徒包怡莊學兄請付棗梨鎮江之書歸鎮江人珍

護甚善不意歸田老眼尙見此書之成乃知書之

行世及刊書之人遲早皆有福命焉因喜而記之

節性齋老人阮元撰並書時年七十有八

黃右原比部博學好文在淮商家爲別調梁蘆隣

集韓詩外傳及漢書河間獻王傳語爲聯以贈

之云

虛己受人彼其之子殊異乎族 實事求

是夫惟大雅卓爾不羣

邗上人多不知所謂阮文達以爲無虛譽云

王夢樓贈南海桂漸齋大令聯

詩入司空廿四品 書臨大令十三行

尙書閣敬銘汪叔明先生聯

自抒性靈大好山水 不慕榮利勤蒐典

墳

裘叔度侍郎贈隨園聯

民不能忘始信淵雲兼政事 敏而好學

莫疑巢許是閒人

又徐兆璜別駕贈聯

廉吏可爲魯山四面牆垣少 達人知足

陶令歸來歲月多

古今聯語彙選二集 投贈一

又莊念農太守贈聯

着手成春卷中著述皆千古 有官不仕

林下逍遙見一人

又沈凡民贈聯

天爲安排看山處 風來灑掃讀書窗

又陶怡雲贈聯

方朔少時二十萬言書盡讀 傅隆老去

八十餘紙手親抄

又黃埴世贈聯

二十科翰林老猶似少 一百卷文集多

而能精

吳蘭雪刺史呈潘芝軒學士聯

三館人才皆後輩 六官領袖屬先生

三

古今聯語彙選二集 投贈一

又贈凌厚堂經生聯

傳家盛業劉中壘 稽古高名井大春

又呈阮文達聯

陽明講學收羣彥 諸葛宣威鎮百蠻

何子貞贈林薌谿聯

學有經法通知時事 行無瑕尤直似古

人

又某君贈聯

酒不能豪偏好客 米猶難索愛藏書

又吳蘭汀贈聯

綺歲兒曹亦詩伯 齊年弟子作疆臣

又莊印潭觀察集宋人句贈聯

春能蘊藉如相識 夢亦齋莊始見君

煦君萬壽呈沈幼丹制府聯

人望昌黎如泰山北斗 帝命傳說作舟

楫鹽梅

汀洲伊墨卿先生守惠州時宋芷灣太史贈聯云

南海有人瞻北斗 東坡此地即西湖

林文忠贈某達官聯

通侯門第雙龍節 才子文章五鳳樓

王楷堂比部廷紹北直人屢與春秋闈分校所

得多南省佳士陳蓮史三元即出其門文忠

又贈以聯云

南士淵源承北學 秋曹門館坐春風

張雲巢鹽政青選罷官後就杭州買宅適得其

喆嗣館選之信文忠又贈以聯云

清門甲第傳兒輩 舊部湖山屬寓公

吳江郭頰伽應京兆試下第出都時法梧門學士  
掌成均遂以聯云

一輩登科慙李邵 半年太學去何蕃

歙縣曹文正公贈吳崧圃參知聯

白髮盈簪凡內外將相公卿咸識三朝元老  
黃河如帶徧東南兒童父老共欽六

筦宣防

公會三任東河三任南河有清河臣中所未有也

錢梅溪履園叢話云莊本培學士培因少時自負

才華不作第二人想乾隆己丑其兄方耕少宗

伯存與榜眼及第時學士猶未捷南宮作詩調

之云他年小宋魁天下始信人間有弟兄後果

古今聯語彙選二集 投贈一

中甲戌狀元潘芝軒尙書未第時與其兄樹庭

中翰咸爲名諸生其壽翁雲浦先生索梁苴隣

中丞楹帖云

老蘇文學能傳子 小宋才名不讓兄

後芝軒中癸丑狀元樹庭見之頗惡此聯爲易去

之云

姚亮甫中丞由豫藩量移山右時汪碧山方伯集

毛詩贈聯云

既儼既戒惠此中國 來旬來宣至于太

原

陶文毅公贈錢次軒先生聯

人言此老古開士 我生之初新翰林

蓋錢爲戊戌翰林而公適生於戊戌也

五

又殿閣繡邑侯聯

商彝周鼎漢印唐碑上下三千年公自有  
情天得度 酒膽詩腸文心畫手縱橫一  
萬里我於無佛處稱尊

花曉亭方伯有贈人一聯云

騎驢尋梅一天風雪 對竹思鶴萬古雲

霽

蔡鴻選選官桂林挈妻赴任道出湘江其伯岳嚴

麗生邑侯贈聯云

我所思兮雙引鳳 君之出矣小驂鸞

沈椒園廷芳贈董文公聯云

著書臺迥名繁露 入畫山多學富春

一切姓一切地又切其善畫也

周樂園書影云坡公嘗言奉使西邸時嘗錄人詩

句云人間有漏仙兀兀三杯醉世上無張禪昏

昏一枕睡雖然沒交涉其奈略相似相似尚如

此何況真個是汗人劉酒者無名字人即以酒

呼之己亦以自名能畫人物賣畫得錢則與酒

家余見之七年無夕不醉醉中作畫酒氣拂拂

從十指間出嘗乞余顏其草堂余取坡公語題

曰略似菴並為題聯酒得之大喜聯云

人間有漏仙三杯兀兀 世上無眼禪一

枕昏昏

長白倭文端贈南海桂吳庭孝廉集句聯

行不得則反求諸己 躬自厚而薄責於

人

林文忠滇輶日記云己卯六月渡沅入辰州府城

下榻縣署此地有小西山古藏書之所也贈張

明府聯云

一縣好山留客住 五溪秋水爲君清

曾文正贈左文襄聯

敬勝欲義勝怠 知其雄守其雌

曾文正以大學士督兩江鍾西耘太史集爭坐位

帖字獻聯云

文中子之門出將相 郭令公所至如天

人

又俞曲園先生集曹全碑字聯

退之工文辭學者從而師事 司馬相中

國遠人服其威名

古今聯語彙選二集 投贈一

倪雲癯桐陰詩話云與國萬清泉徵君斛泉研精

朱程之學結茅山中讀書講道不求仕進宋鼎

鄒金粟其高足弟子也會賊擾湖湘所居適當

其衝一日賊大至徵君正襟端坐絃誦之聲淵

淵如出金石賊爲引退胡文忠疏薦於朝奉旨

賞七品冠帶大吏贈以聯云

絳帳一時培後輩 黃巾三舍避先生

余小霞州判應松懷才不遇萬乙樓太守集杜句

爲聯贈之云

古來才大難爲用 老去悲秋強自寬

海甯黃少蘭孝廉與王次厓友善王己未登第以

知縣發甘肅孝廉集元祕塔字贈聯云

有如皎月出珠海 已覺清風襲玉門

古今聯語彙選二集 投贈一

八

屠後園進士贈鄉賢蔡東軒先生聯云

范文正作秀才以天下爲己任 胡安定

居教授識弟子於其師

沈眉伯贈樊昆吾先生聯云

東方朔謫仙人少年酒陣詩壇望氣皆成

龍虎 諸葛君眞名士卽此綸巾羽扇笑

談可却熊羆

薛慰農觀察贈江小松大令聯

少角藝老論文客裏追隨把盞各驚雙鬢

雪 我擁氈君聽鼓閒中慰藉扶筇同看

六朝山

又贈段小湖觀察聯

具大胸襟曠覽江天包羅海岳 試小經

濟長養花木位置鼎彝

又贈慶瑞亭佐領聯

五陵子弟多佳氣 六代鶯花屬寓公

又贈舊友鄧式如之子曉亭聯

舊雨最纏綿爾歸代話十八年別緒 閒

雲無繫戀我老日需三百錢行沽

又贈劉省三爵帥聯

應運毓勞臣未冠從軍已冠登壇起淮南

清皖北縱橫於吳楚宋鄭齊魯燕趙之交

以西窺秦隴陳必善戰必克彤矢分封順

昌旗幟照行間懿鑠哉當今名將 多材

兼衆美始精技擊繼精藝事喜緩帶愛投

壺涉獵於琴棋醫卜陰陽奇遁之學而壹

意詩歌用則行舍則藏黑頭高隱安石鶯  
花娛晚歲歸來兮與我同心

馬賓侯燦萍龜掌錄云桂丹盟廉使言其同年某  
進士有二子並傳家學善古文其甥亦多能詩  
廉使贈以聯云

海內文章老泉傳軾轍 江西詩派山谷  
得徐洪

番禺潘狂卿茂才光瀛有贈徐郎中一聯云

駢體六朝玉臺新詠 郎官列宿紫府分

曹

萬廉山郡丞喜蓄奇石嘗以義眉積雪石自鑄此

四字贈唐陶山方伯方伯集句爲聯以謝之云

何當報之青玉案 可以橫絕峨眉巔

古今聯語彙選二集 投贈一

甌寧鄭荔薌先生方坤有同邑友二人其一講經  
濟而躁于官其一厭世緣而淡于學先生爲聯  
箴之云

惟豪杰能有爲從來豪杰能安命 做神  
仙便無事未必神仙不讀書

吳倉碩贈潘蘭史長聯云

劍氣聳雙眉月子來歸意同紅拂 酒才  
拚百斛瀛洲跌宕談比青蓮

瀏陽譚壯飛爲黎桂蓀書聯云

一鶚忽翔萬雲怒 羣虬相奮孤劍啼

又集禊帖字贈吳小珊聯

此日盛游同氣仰爲賢知列 異時文集  
相期長在地天間



原跋家大人開府湖北賓從文譙盛極一時瓣薑  
師外若王君信余吳君小珊張君憩雲涂君質初  
貝君元徵方諸芝蘭吾臭味也詩文旨趣尤與吳  
君合因適王氏字二十有二名屬憩雲書以贈志  
嘉會兼示勸懲云

又贈貝元徵聯

解穿九千三百 坐席五十餘重

原跋五經無雙許叔重說經不窮戴侍中惟我元  
徵齊年泮泮其風書者潘誦捷贈者譚嗣同

又集六朝人語贈唐徽丞聯

思緯淹通比羊叔子 定禮決疑問陶履

之

又隲括抱朴子龍川集語贈黃芳洲聯

曾受雙戟單刀長於葛洪者劍 所謂

塊大巒奄有陳亮之文

錢夢鯨贈譚遏雲聯

人盡合羣可以集事 天與不取是謂無

能

江湘嵐集滕王閣序贈謝慕韓太守聯

非謝家寶樹豈能接孟氏芳鄰相期下榻

此間舊館神仙為伴侶 迺佩玉鳴鸞遠

不逮落霞孤鶩自古傳人有幾名山金石

重文章

金鶴望先生贈濟寧遇戈梓梁聯

短衣匹馬隨李廣 飛書馳檄用枚臯

錢塘袁蘭村明府通為隨園先生之子夙承家學

博雅工詩尤精詞曲陳曼生司馬鴻壽贈以聯

云

### 倉山續詩格

紅豆又詞人

蓋清初吳蘭次太守有把酒祝東風種出雙紅豆

句時號紅豆詞人也

呂幼舫中翰集胡稚威龔定盦句贈臧博倫尊人

揚庭先生聯

諸郎才調日騰蹕

譚經門祚鬱峇嶢

趙蘭生贈臧博倫聯

一卷英詞壽金石

十年奇氣鬱風雷

戊申之冬博倫赴引出都戴少懷贈以聯云

立定脚跟豎起脊

展開眼界放平心

方君叔遠贈予聯云

古今聯語彙選二集 投贈一

天下幾人學杜甫 先生有道出羲皇

齊梅麓有女弟子張雲裳襄張麗坡參戎之女也

歸湯价人觀察之子才貌雙優事梅麓如父梅

麓贈以聯云

幾生修到梅花骨

一代爭傳柳絮才

又一聯云

前身來自衆香國

佳句朗如羣玉山

羅田潘四梅明府煥龍女兄伴霞女弟仲華幼暉

與其室楊琴珊皆能詩有集四梅宰涓川日黔

陽易屏山刺史良俶贈以聯云

循名花縣騰三載

文字蘭臺萃一門

衡山陳吉芬女士受業潘蘭史徵君門下曾爲徵

君書聯云

十一

我欲喜浮海之從愧非仲氏 師旣以無  
類爲教肯讓隨園

又聯云

一紙風聲塗毒鼓 滿庭秋色自由花

日人戶野周二郎任武昌師範學堂教員其夫人

亦教育家在武昌創設女學堂幼稚園充保姆

教習陳石遺先生贈以聯云

萬里琴書雙伉儷 一家師範兩先生

奉新姚君鴻元曩年設館鄰村財神廟其右爲治

工肆一葉姓游士贈以聯云

設帳近洪爐不怕諸生頑似鐵 傳經依

古廟方知夫子教如神

江湘嵐贈賣卜王某聯

吉凶悔吝生乎動 天地蒼茫老此才

鄉農姚姓與吾家墓田爲鄰無子有二女能助操

作姚略識字習於五行生剋之說願爲人誠樸

可取丁巳臘月乞予爲新年春帖子予卽取戊

午曆書中語爲聯以贈云

木宿值年翼星管局 二姑把蠶一牛耕

田

鄭板橋有贈焦山長老聯云

花開花落僧貧富 雲去雲來客往還

薛慰農觀察贈可會禪師聯

卜鄰喜近清涼宅 與客同參文字禪

張蝶庵偕贈蓮池大師柱聯

說法平臺生公一語石一語 棲真斗室

老僧半閒雲半閒

了若上人善棟通內典能詩善琴住持三山與安

會館莆田林中丞揚祖贈聯云

了無塵韻滯胸次 若有仙風出指頭

瞿丹禪師篆經擅詩書畫三絕尤精醫貧者求治

不受酬黃孝廉潛熙贈以聯云

以文字才華證辟支果 具神醫手段發

菩提心

揚州三清院方士林東厓居之林通五雷法善治

鬼後爲鬼壓死於渡春橋水中其徒黃鳴謙傳

其術朱思堂運使贈聯云

爐火純青銷劍氣 霜花欲白映仙根

潘偉如中丞精醫學某君贈聯云

古今聯語彙選二集 投贈一

以百寮師爲萬家佛 是醫國手作地行

仙

陸君掬軒比設露沙醫院於上海濟人之量至闊

予擬聯云

濟世多端是亦箴膏起廢 成功不伐方

諸墜露輕塵

或謂醫院命名之義於煒士先生先生以墜露輕

塵爲解故下聯云云

仙居王某治痘有名陸薌昫先生贈以聯云

身居仙境成丹易 手補天功保赤多

靈甦軒主贈德醫邵志千君聯

人稱其能我稱其德 不爲良相便爲良

醫

上聯用陳康伯語下聯用范文正語

喻志韶贈吳倉石聯

聾兩耳跛一足 學三絕人千秋

冷廬雜識載有人贈荆幕聯云

求其生不得則無憾 勿以善之小而不

爲

靳介人善作對有孝廉習堪輿術介人贈一聯云

研經自合師師古 游藝何妨景景純

趙又銘宮贊于慎鄉中翰同治五年奉使册封琉

球國中山王尙泰或乞書楹帖二公皆撰句應

之從客林筱民曾平錄其稿惟不辨誰作贈中

山王聯云

世篤忠貞辟爾爲德 天壽平格王此大

邦

又贈王弟尙弼聯

有禮則安爲善最樂 保世滋大與國咸

休

又贈王舅向元模聯

漢代親賢原並建 宋儒體用自兼賅

又贈法司向有恆聯

彩筆集應標一品 繡衣世本席三公

又贈法司馬朝東聯

世傳將略標銅柱 代有經師仰絳紗

又贈金紫大夫阮孝銓聯

五君詠重顏光祿 七子名齊漢建安

投贈二

前清俱奉孫菊仙戊午初夏入都重登舞台都人

爭迎恐後袁公子克文贈以古扇一漢玉一古

扇係成清王繪蘭竹清奇可愛計距成親王畫

扇之年於今七十有八適孫供奉懸弧年也有

人贈以聯云

與物同春

於時爲瑞

又集唐句聯

忽聞歌古調

徒此挹清芬

又聯

玉步已更全國衣冠仍漢制

善(扇同)

音)人爲瑞滿台歌舞拂清風

京伶想九霄善演斗牛宮汪子淵太史戲題聯云

古今聯語彙選二集 投贈二

九天闔闔開宮殿 萬古雲霄一羽毛

京伶梅君聯

梅香春欲動

君子意如何

又聯

幾生修得到

一日不可無

京伶錢寶其師謝姓室中有聯云

錢塘何必尋蘇小

寶樹依然屬謝家

某太史贈伶聯

英雄事業隨歌舞

名士文章播管絃

丁戊君代人贈程伶豔秋聯

傾城絕豔男兒擅

翰部陽秋姓氏新

又代人贈韓伶世昌聯

鵲噪英名同鞠老

雁行新譜附蘄王

又聯

玉樹風流翮絕世 櫻桃星豔傍文昌

又贈梅郎聯

閑翻蘭譜多才子 錯認芳名喚小娘

又聯

素女蘭花難比豔 王孫芳草欲同春

又贈秦腔花旦小馬五聯

馬上琵琶催不去 五中塊磊自能消

又贈王瑤卿聯

瑤月不同羣玉色 卿雲常護謫仙身

又贈姚佩秋聯

玉女風來聞佩韻 海棠花豔畫秋痕

又贈王蕙芳聯

莫使英雄摧蕙質 却從歌舞晤芳年

時此伶侍張少軒提督故出聯云云

又贈朱幼芬聯

輦下知音無老幼 人間絕色擅芳芬

又贈王鐘聲聯

樓聽亦覺芳心動 鼎食誰知大患來

壽眉生贈孟秋如聯

如水雅宜君子淡 秋花偏比狀元紅

又披沙子聯

如花解語 秋水爲神

豔儂聯

豔如西子湖邊水 儂是揚州夢裏人

蓮卿聯

管甚蓮似郎好郎似蓮好 爲問卿憐我

多我憐卿多

女伶張文豔奏技於西湖鳳舞臺或贈以聯云

卿能顰笑傾文座 天與湖山主豔盟

王幻身兼工新舊劇或贈聯云

佳境蓬萊仙子幻 好花閨閣女兒身

自譚英秀殉王位久虛戊午初夏大鼓劉寶全來

滬劉於此道亦首屈一指一時社會羣奉以大

鼓大王之徽稱予擬贈聯以張之聯云

沈沈夥頤超超玄箸 荒荒坤軸泱泱大

風

又聯

禰生不恥鼓吏落窳英雄我思古來慷慨

悲歌之士 韓侯願爲假王離奇身世誰

能拔爾抑塞磊落奇才

一壠山樵生平淡於榮利不邇聲色性樂易廉靖

介不絕俗曩睹其手錄贈伎聯十二格亦猶廣

平梅花之賦歎亟錄如後

金翠娥聯 葉底格

翡翠巢深花旖旎 嫦娥妝罷月精神

黃繡君聯 合歡格集元人句

羅幃隱秀迷春色 綺閣逢君話夜分

姚倩卿聯 重台格

倩倩無言時顧影 卿卿有意獨憐才

胡寶玉聯 並頭格

寶兒嫵媚雪兒俠 玉樣精神花樣嬌



古今聯語彙選二集 投贈二

杜翠玉聯 連理格

黛螺淡點三分翠 玉髻斜簪一抹紅

孫文玉聯 合跗格

君如肯嫁文簫去 我便親攜玉鏡來

周月卿聯 雙瓣交柯格

芙蓉帳煖卿卿小 姊妹花開月月紅

周素娥聯 折枝蒂集唐句

青女素娥俱耐冷 美人名士總多情

周麗卿聯 橫斜蒂集唐句

天生麗質難自棄 人道我卿絕世無

王素卿聯 並蒂格

可能穀織纖纖素 且漫說憐我憐卿

朱月琴聯 脫瓣格

北里嬉春消劍膽 西湖待月話琴心

顧慶林聯 寄生格

清歌玉磬聲聲澈 妙舞金鈴個個圓

薛慰農觀察贈伎四官聯

雅調善彈胡撥四 新詞學唱孔都官

又集句贈桂卿聯

桂林一枝崑山片玉 卿雲似蓋甘露如

珠

又贈小桂珠聯

小山叢桂非常植 滄海遺珠大有人

又贈岫雲聯

窗中列遠岫 嶺上多白雲

又贈愛香聯

愛河風定情波活 香海名高豔福多

又贈巧齡聯

調舌能爲千百巧 稱觴初度十三齡

曩歲薄遊秦淮重溫舊夢枕邊置余曼翁板橋雜

記一册卽集記中語以贈諸伎多可誦者贈碧

雲聯云

曠遠芊綿水烟凝碧 豪華任俠談詞如

雲

又贈阿香聯

獮兒吠客鸚哥喚茶 妖草帶人淫葩媚

夜

有徐娘以梔子爲贈亦酬以聯云

女郎贈遺都無俗物 美人遲暮心厭市

古今聯語彙選二集 投贈二

囀

每讀雜事祕辛至脛跗豐妍底平指斂約縑迫

襪收束微如禁中知古今心理初不相遠吳

娘宛兒以輕趨著好作墮馬妝予嘗集祕辛

句爲聯代吾友贈之云

約縑迫襪夜漏三下 伸髻度髮圍手八

盤

滬伎紅兒鈔於語言予又集祕辛句贈以聯云

朝霞和雪不能正視 微風振簫幽鳴可

聽

吳娘仙仙顧氏養女嫻文翰予集飛燕外傳雜

事祕辛句代友人爲聯云

發緘歡喜願我願我 中流歌酣仙乎仙

五

乎

吳娘花卿年十五予字之曰歡娘贈聯云

願月長圓願花長好 歡牀如天歡身如

雲

又聯

尋花索笑魚游春水 登天抱雲歡墮儂

身

桐城某贈金陵雜伎瓊寶聯

今有璞玉於此 吾豈匏瓜也哉

小寶聯

天下莫能破 楚國無以為

長沙楊卓夫代人贈素秋聯

太素質之始 高秋氣且清

北伎小如聯

小住為佳得小住且小住 如何是好欲

如何便如何

乙未殿撰賂成曠贈高月紅校書三聯其一云

月宮夢到疑前世 紅葉詩成怨隔年

又聯

本來從五桂香中等是謫仙人前度有緣  
能識我 且開向百花頭上許多如意事  
何年洗手共和羹

又聯

故人誰念中郎未贖黃金悲憤胡笳紅淚  
曲 快婿難逢司馬空調綠綺淒涼溝水  
白頭吟

舒摯甫代贈秦淮小銀聯

雅有鄉親居白下 自然聲價重朱提

丁戊君代人贈江山船女銀珠聯

銀燭雙輝嫌晝短 珠光十斛比春新

江山船女小妹聯

比玉小憐爭一夕 傾城妹喜冠千秋

江山船女有名十二歲頭者秦鷄厂聯云

絃月有心成玉璧 嬌花無語殿春釵

又贈芸寶聯

芸編多篆神仙字 寶劍能知任俠心

又贈月珍聯

一片明月歸我掌 幾聲珍重見卿心

愛如聯

古今聯語彙選二集 投贈二

愛語風香情瀾春媚 如花美眷似水流  
年

上用南唐書下用牡丹亭

蘇影聯

豪氣未除蘇玉局 風情不減影梅龕

朱儂影贈銀翠聯

醒揚州夢十年記曾銀燭燒殘幻影曇雲  
空色相 唱賀新涼一闋聽到翠鈿狼藉  
懊儂衣袂染京塵

沈孝耕贈小紅聯

消息破瓜初依稀商婦琵琶珠顆落從絃  
上小 溫存偎玉軟莫爲侯郎憔悴桃花  
開向扇頭紅

秦淮喜如聯

喜從天外

如在其中

一家有大小兩如意客贈聯云

如此年華如此貌 意中情事意中人

徐班侯贈京妓桂喜聯

桂堂東畔

喜子今朝

于右任贈青鳳聯

青蛾皓齒鎮相憐 唱遍那醜奴兒令粉蝶

兒令 鳳泊鸞飄同一慨 醉倒在黃四娘

家吳二娘家

又王壽農贈青鳳聯

温磨舊夢青樓遠 樂府新題鳳管催

又聯

家住青溪憐小妹 橋成鳳渚憶中仙

碧山詞正鴛機織錦鳳渚成稿

又聯

一棹老烟波 茶熟香温待喚樵青來 鼓枻

十洲仙 世界玉情瑤韻遠 招輕鳳聽吹

簫

又聯

花前說劍回青眼 酒畔添燈照鳳脰

蘭君聯

問誰擅若蘭詩 湘蘭畫 願無忘香君扇

文君琴

滬濱冷葉小脚阿毛某太史贈聯云

萬古雲霄珍片羽 幾人性命等輕鴻

三聲聯

楊柳乍眠還乍起 芭蕉宜雨不宜晴

得仙聯

佳人難再得 王子去求仙

海門妓有名豆腐西施者姑蘇曹縵卿先生贈以

聯云

研磨南國相思味 慚愧東家欲效人

高梅雲聯

高寒梅影窗前月 淺笑雲容鏡裏人

又聯

已嘗梅子流酸味 猶是雲英未嫁身

飛雲聯

冲天原有志 出岫本無心

古今聯語彙選二集 投贈二

翠紅聯

雨後梧桐風前楊柳 煙籠芍藥露滴牡丹

丹

雙玉聯

雙槳月明桃葉渡 玉樓人醉杏花天

月紅聯

清風明月本無價 萬紫千紅總是春

毛子聯

毛猶有倫上天之載無聲無臭 子興視

夜明星有爛將翱將翔

楊菊妹聯

芳姓偶同楊妹子 小名應喚菊夫人

揚妓小金聯

九

小樓一夜雨

金粉六朝人

秦淮妓女多有姊妹同住一房者小五寶幼時依

其姊小四寶兩妓色藝雙絕先後有名於時某

君贈小四聯云

小南強大北勝

四美具二難并

玉香聯

環真宛轉何妨小

玉解溫柔自有香

玉香爲又環之女一字小環

喜鳳聯

喜子亂飛上裙帶

鳳皇雙舞入簫聲

文媛媛聯

王母從來呼小字

美人終古屬雙文

黃摩西贈黛玉聯

黛光照人好在無夜度娘氣 玉容無主  
相逢作春夢婆看

又贈雪寶聯

雪我三生窈擘

寶卿一寸情腸

又贈彩芳聯

彩鳳歸來仗亭亭圓月丰姿撐半壁鶯花  
世界 芳華未沫趁裊裊東風年紀做三  
分燕子人家

雙珠聯

雙柑斗酒

珠箔銀屏

紅英聯

願得化爲紅綬帶

何以報之英瓊瑤

巧雲聯

巧於鶯舌輕於燕 雲想衣裳花想容

阿男聯

從來阿堵無情物 畢竟男兒不負人

阿二聯

顧影只輪花第一 問名未到月初三

花秀英聯

麗華秀色跨江表 紅拂英年識衛公

二寶聯

二月鶯花三月燕 寶兒風貌雪兒歌

邱菽園贈冬蓮聯

冬山如睡春山笑 蓮子爲心鳳子腰

請嵐贈小卿聯

偶憑楊柳藏春色 爲憶錢塘是故鄉

二句皆用蘇小故實語甚雋雅

何金鳳聯

懷裏不知金鈿落 夜來曾有鳳凰樓

金玉聯

微聞香澤金訶子 先到春風玉鏡臺

月仙聯

此地有二分明月 偶來作半日神仙

小香聯

門前柳色藏蘇小 扇底桃花識李香

鳳珍聯

鳳鳥自歌鸞自舞 珍珠無價玉無瑕

梅雪香聯

陽春白雪 國色天香



韻卿聯

瘦影自臨春水照 好詩誦與落花聽

阿芸聯

春風紫玉釵兒夢 夜月紅綃鏡子盟

梅寶聯

海棠花底三年住 豆蔻梢頭二月初

梅仙聯

世外豈無林處士 人間尙有許飛瓊

雪卿聯

一年光景風花月 四海交遊士大夫

姍姍聯

來到遲時思更苦 秀從骨裏寫偏難

謝吟香聯

聽雨敲詩吟情若水 隔簾度曲香夢如雲

月香聯

深夜遲眠聽一曲碧簫吹起半窗花影  
重簾不捲倩兩行紅袖添來幾縷烟痕

錢巧林聯

卿非織女偏生巧 我爲梅花欲姓林

玉貞聯

玉管霏香吹小海 貞松抱翠鬱冬心

周彩林聯

彩筆詩題紅葉句 林花香滿紫雲家

月梅聯

不知月色爲誰好 要與梅花作伴來

朱墨蘭聯

書被催成數行淡墨 人都服媚一室幽

蘭

張蕙卿聯

眉鎖青山憐蕙質 手拈紅豆寄卿知

朱素卿聯

曾因笛韻憐樊素 多感琴心識長卿

又聯

汝從素月分瑤彩 我見卿雲似美人

張月卿聯

雙鬢初齊記從隔舫琵琶小時識月 一

枝纔放寄語妒花風雨何事干卿

以上十一聯爲王君尊農所詒係贈慧麓船伎者

古今聯語彙選二集 投贈二

其爲自撰或他人撰過眼風花都不記憶尊農之

言如此吾人中年以後觀物稍多世味漸淡寧止

紛華綺靡之末而已一切有爲作如是觀

秦淮河房中有一才士集句爲聯云

千種相思向誰說 一生愛好是天然

上句用西廂記下句用牡丹亭銖兩恰稱側豔無

比

贈伎集史聯

未免有情誰能遣此 每聞清歌輒喚奈

何

又雜集文史聯

咳唾隨風眇矚成飾 綺霞牽思珪月留

情

十三

又普通贈聯

探花福分生來有 入骨相思悔得無  
來禽館寫眉紋硯 寶鴨爐焚心字香  
卿卿我我惜惜憐憐生生世世 雲雲雨  
雨好好歹歹暮暮朝朝

薛慰農觀察題秦淮停雲小榭聯云

一曲後庭花夜泊消魂客是三生杜牧  
東邊舊時月女牆懷古我爲前度劉郎

又題秦淮林氏水閣聯

尋江令宅訪段侯家流水聲中六朝如夢  
賭太傅碁弄野王笛夕陽檻外雙槳徐

停

又題秦淮夢六軒水榭聯

壁月夜夜瓊樹朝朝綠水紅橋舟似織  
詩老鶯鶯公子燕燕清歌妙舞酒如淮

又題秦淮畫船簫鼓水榭聯

艷蹟易消磨老我重來喜煙月如新鉤起  
卅年綺夢 名區資點綴干卿甚事勸鴛  
鴦莫打留將六代風光

又題秦淮畫舫聯

五夜弦歌雙槳月 一簾花氣滿船燈

又題秦淮煙月雙籠水榭聯

何處寄閒情亞字闌干心字水 此間無  
俗韻梨花院落棗花簾

又聯

情波紆迴作西流水 古調冶艷譜後庭

花

又聯

受兩三人留一角供米家圖畫 盡斗石

量倚微醺聽賀老琵琶

又聯

澄碧生秋鬧紅駐景 如花美眷似水流

年

珠江花舫一名紫洞艇艇中陳設極華麗潘六琴

題聯云

笑攜仙子同舟一曲未終明月替人圓好

夢 怕對離筵今夕三杯更盡春風吹我

上長安

紫洞艇之外有姻緣艇則於送客留髡以後別借

古今聯語彙選二集 投贈二

一小艇爲合歡之地也劉滄洲題聯云

蝴蝶有花皆入夢 鴛鴦無水不成家

某雉妓聯

朝行雲暮行雨 雌者霸雄者王

又漢口某雉妓門聯

過門弗入是鄉原也 坐懷不亂豈君子

乎

### 諧謔

宋尤延之楊誠齋諧語

楊氏爲我 尤物移人

尤延之與楊誠齋爲金石交淳熙中誠齋爲秘書監延之爲太常卿又同爲青宮僚采無日不相從二人皆善諧延之嘗曰有一經句請祕監對曰楊氏爲我誠齋應曰尤物移人衆皆歎其敏確事見

鶴林玉露

宋梅聖俞夫婦諧語

獼猴入布袋 鮎魚上竹竿

聖俞以詩知名而浮沈三十年終不得一館職晚年與修唐書書成未奏而卒其初受敕修唐書時嘗語其妻刁氏曰吾之修書亦可謂獼猴入布袋

古今聯語彙選二集

諧謔

矣刁氏笑對曰君於仕宦又何異鮎魚上竹竿耶聞者皆以爲善對

後村詩話云高文虎作西湖放生池記以鳥獸魚鼈咸若爲商王事太學諸生爲謔詞哂其誤陳晦行史集賢制用昆命元龜事閩帥倪侍郎駁之陳累疏援引唐人及本朝命相皆用此語史擢陳臺端劾倪削秩罷去或爲一聯云

舍人舊錯夏商鼈 御史新爭舜禹龜

呂邵諧語

說法馬留爲察訪 湊氣獅子作知州

桐江詩話云元祐東平王景亮與諸仕族無成者結爲一社純事嘲笑士大夫無問賢愚一經諸人之目卽被不雅之名當時號曰豬背關呂惠卿察

訪京東呂天資清瘦語以雙手指畫社人目之曰  
說法馬留又湊爲七字曰說法馬留爲察訪彌歲  
不能對一日邵篋因上殿洩氣出知東平邵高鼻  
捲鬚社人目之曰湊氣獅子乃對云湊氣獅子作  
知州憲卿銜之諷部使者發以他事舉社遂爲齋  
粉矣

紹興初張子韶對策有桂子飄香之語趙明誠妻  
李易安以對語嘲之如後一時傳爲笑柄事見  
老學庵筆記

露花倒影柳三變 桂子飄香張九成

王平甫對

杜園賈誼 熱熟顏回

東軒筆錄云陳絳晚爲敦養狀時謂之熱熟顏回

熙寧中台州推官孔文仲舉制科廷試對策言時  
事有可痛哭太息者執政惡而斥之語於衆曰文  
仲狂躁真杜園賈誼也王平甫曰杜園賈誼可對  
熱熟顏回合座大矍絳有慙色蓋杜園熱熟皆當  
時鄙諺

人名對

陳亞有心終是惡 蔡襄無口便成衰

按詩話總龜云蔡君謨與陳亞相友善一日以謔  
語嘲其名云陳亞有心終是惡陳應聲對曰蔡襄  
無口便成衰

姓氏對

黃耆無疆 白圭有玷

金陵瑣事云黃揮使六十誕日白揮使戲之曰黃

者無疆黃應聲曰正好對白圭有玷

又

藺相如司馬相如名相如實不相如 魏

無忌公孫無忌彼無忌此亦無忌

按祝枝山猥談云李空同督學江右偶有名夢陽

者唱名時空同詫曰安得同我名我有一對對佳

則釋汝因出上聯生應聲作答空同大稱善遂置

之前列云

有賈珣者字小喬官京師時或嘲以聯云

姓名疑入紅樓夢 夫婿曾鑿赤壁兵

明世宗諧對

閣老心高高似閣 天官膽大大如天

按桐下閒露云嘉靖士大學時嚴嵩吏部尙書熊

古今聯語彙選二集 諧謔

洪一日同被召遲遲始至世廟因出對戲之云閣

老心高高似閣二臣惶恐伏地不能作一語世廟

乃好言慰之云是何難我已爲代對矣曰天官膽

大大如天

虞許對

夜夜出遊知虞公之不可諫 朝朝來聆

何許子之不憚煩

按耕餘博覽云虞伯生集未遇時爲許衡門客虞

有所私午後常出館許往尋之輒不遇因書於几

云夜夜出遊知虞公之不可諫虞對曰朝朝來聆

何許子之不憚煩

李劍溪太僕光雲曰吾鄉京官前輩有延師課子

者於本宅近處另闢精室一區聽館師出入自

便乃其師好嬉游無日不到城外戲園中聽戲  
同鄉知好有訪之者十有八九不得晤因新歲  
換寫桃符何念修少宰逢僖適知其事因戲書

一聯懸於門次日館師見之卽褰被而去聯云

### 園日涉以成趣 門雖設而常關

紀文達府中屢爲庸醫所誤恨之次骨適有爲醫

家求題匾者公立書明遠堂三字與之或私詰

其說公曰不行焉可謂明也已矣不行焉可謂

遠也已矣此醫只當祝其不行便是無量功德

耳或曰萬一彼復來求題聯又將何以應之公

曰我有撰成五七言兩聯一係乙轉孟襄陽詩

句云

不才借作財字明主棄 多故病人疎

又集唐句云

### 新鬼煩冤舊鬼哭 他生未卜此生休

塗說云有項某自署其門聯云

### 一門三學士 四代五尙書

過客見之疑近代顯宦中無此姓意其先世或居

是官因造門而開焉項對曰吾家父子三人並弟

子員各占杭州仁和錢唐一學且祖若父生前曾

舉明經合四代皆習尙書故曰一門三學之士四

代有五人習尙(去聲)書耳君無讀破句別字也

問者大笑而退

康熙五十年辛卯江南鄉試趙畫山太史爲主試

與總督鳴禮朋比爲奸大通關節總督分賄至

四十萬金事破伏法是科正主試爲左界園副



憲必蕃於衡鑒非所長任趙所爲而已案定得

未減江南有一對云

左丘明兩目無珠 趙子龍一身是膽

浙江乾隆丙子鄉試兩主考一姓莊一姓鞠莊顛

頂而鞠不謹有集杜句嘲之云

莊夢未知何日醒 鞠花從此不須開

鞠試畢回京語陳句山太僕云杭人真欠通如何

鞠可通菊公不答鞠詰之公曰吾適思月令鞠有

黃華耳鞠大慚未幾死人以爲聯識

百文敏公齡號菊溪屏藩滇中時眷一伶兒名荷

花者色藝俱佳越數載公總制兩廣荷花適至

仍令居珠江菊部中而荷花馬齒加增頂髮已

禿公戲之曰

荷盡已無擎雨蓋 菊殘猶有傲霜枝

甲午春閩文介張文達同入軍機二公年皆逾七

十未幾孫文恪公毓汝烏少司空拉布奉命勘

案江南北諸省歷年餘始歸文介字丹初文達

字子青文恪字萊山烏字少雲都人爲集唐人

句曰

丹青不知老將至 雲山况是客中過

寶竹坡侍郎寶廷名士風流不拘小節有詩集曰

宗室一家草壬午典闈試納江山船女爲妾

女美而面微黧寶以此獲咎罷官或爲聯云

宗室一家名士草 江山九姓美人麻

清宗室雙富別號士卿官至某省監司以貪墨褫

職某君集聯嘲之云

士為知己 卿本佳人

上句士為知己者死詛呪之辭也下句用北史卿

本佳人何為作賊句均歇後語

有某太守清苑人曾令涇縣以貪酷聞一日晨起

見廳事貼一四書集聯云

彼哉彼哉北方之學者何足算也 戒之

戒之南人有言曰其無後乎

左文襄字季高與曾文正論事每相齟齬一日曾

為出聯左即應聲屬對茲事頗膾炙人口聯云

季子敢言高與吾意見大相左 藩臣徒

誤國問他經濟有何曾

郭嵩燾使英回國巡撫粵東醉心歐化首創變法

自強之議其時朝野多不以郭說為然或嘲以

聯云

行偽而堅言偽而辯不容於堯舜之世

未能事人焉能事鬼何必去父母之邦

方地山孝廉嘗集戲曲中說白成一聯云

我想平兒平兒不想我 您說石秀石秀

也說您

上聯為打櫻桃戲中語下聯為翠屏山戲中語

閩縣義嶼鄉正月燈聯最盛每以諺語相嘲戲有

戶族某以排解某事眾疑其受私某力辨其無

適賽神作燈聯某即以本鄉諺語解嘲焉其聯

云

燭問燈云靠汝遮光作門面 鼓對鑼曰

虧儂空腹受拳頭

京都某道士羽化滑稽者貽以聯云

吃的是老子穿的是老子一生到老全靠  
老子 喚不靈天尊拜不靈天尊兩足朝  
天莫怪天尊

某君入贅岳家時在九月其友寄贈喜聯云

天上時逢雀化蛤 房中曲奏鳳求凰

劉澣芬戲題鼠嫁女聯云

迨吉儼然人有禮 于歸誰謂汝無家

諺語

老學庵筆記載臨安扁勝對云

乾坤溼氣四斤丸 偏正頭風一字散

三朝御史陳忠翊 四代儒醫陸大丞

東京石朝議女壻樂駐泊藥鋪 西蜀費

先生弟子寇保義卦肆

紀文達亦有集京城市肆招牌對句云

冬季諷經 秋爽來學

神妙烏鬚藥 祖傳狗皮膏

去風柳木牙杖 滴露桂花頭油

精裱唐宋元明古今名人字畫 自運雲

貴川廣南北道地藥材

食品對

古今聯語彙選二集 談話

沙地馬蹄鼈 雪天牛尾狸

金柑玉版筍 銀杏水晶葱

螺頭新婦臂 龜脚老婆牙

鶴林玉露云楊東山嘗謂余曰昔周益公洪容齋

嘗侍壽皇宴因談故鄉肴核上問容齋鄉里所產

容齋番禺人也對曰沙地馬蹄鼈雪天牛尾狸又

問益公公廬陵人也對曰金柑玉版筍銀杏水精

葱上吟賞久之又問一侍從侍從忘其名浙人也

對曰螺頭新婦臂龜脚老婆牙四者皆海鮮也上

爲之一笑

齊東野語載一巧對云

妙法法因因果寺金輪金剛 中和和豐

豐樂樓銀杓銀甕

古今聯語彙選二集 諺語

上句當時寺名下句當時酒樓名

周遵道豹隱記談郎瑛七修類稿沈德符野獲編

馮猶龍談概多有諺語對句茲雜采如下

誠意高香

細心堅燭

夏雨分牛脊

秋風貫驢耳

貓口裏空食

虎頭上做窠

鍾馗捉小鬼

童子拜觀音

口甜心裏苦

眼飽肚中飢

好心不得好報

癡人自有癡福

缺嘴口裏咬跳蚤

鬍鬚頭上拍蒼蠅

強將手下無弱兵

死人頭邊有活鬼

仁和翟晴江集諺語

黃花閨女

白木監生

相女配夫

討妻看舅

關門養賊

坐產招夫

瓜熟蒂落

藕斷絲連

騎驃擂鼓

對牛彈琴

螞蟻官兒

獼猴君子

貓頭公事

狗臉親家

佛地上造孽

公門中修行

枕頭邊告狀

門背後求情

慣出難題目

好做奇文章

無錢休誇祖

有奶便認娘

姑娘嫌嫂醜

媳婦踏婆樣

快婿三娘子

老臉二官人

張郎等李郎

五祖傳六祖

懶人使重擔	窮漢養嬌兒
好漢惜好漢	見家識見家
瞎婆彈琵琶	瓜觜吹喇叭
眼睛裏出血	鼻子上轉肩
臉上挂招牌	口裏送盒子
隨手薩摩訶	順口波羅蜜
倚著閻王勢	錯過喜神方
鬼門前貼卦	佛面上刮金
好戴高紗帽	愁穿溼布衫
前客讓後客	大蟲喫小蟲
馬蟻扛曲蟻	壺蜂叮鬍鬚
不知天曉日宴	須防山高水低
天宮拆壞半邊	地皮捲去三尺

一尺還他十寸	八兩原自半斤
經紀却逢販子	和尚不知道家
水幫船船幫水	人防虎虎防人
上門不見土地	喫藥難瞞郎中
一身不充二役	雙手難敵四拳
粗絲難織細絹	小水不容大魚
鶉鴿只揀旺處	燕子不入愁門
寒蟲鳴嬾婦驚	喜鵲叫遠人到
那個猫不偷腥	做着狗要喫矢
羊肉當狗肉賣	死馬當活馬醫
清官難斷家裏事	好漢不喫眼前虧
清官難出滑吏手	巧妻長伴拙夫身
死棋肚裏有仙著	強將手下無弱兵

爬得千錢想萬錢 喫了五穀要六穀  
只顧自己碗裏滿 常怨他家井底深  
一番生活兩番做 千般道路萬般難  
聰明反被聰明誤 惡強自有惡強磨  
打倒金剛搗倒佛 踢殺猢猻弄殺鬼  
前船已覆後船警 上樑不正下樑欹  
斫得樹倒有柴燒 識了秤來沒肉賣  
跳過魚盤喫豆腐 丟了黃金抱甌磚  
牛頭不能對馬嘴 狗口何曾出象牙  
大家馬兒大家騎 鄉裏獅子鄉裏跳  
頭頭老虎專尋食 躡脚雄雞會趕臊  
鴨兒薯糠空歡喜 猫哭老鼠假慈悲  
鷺鷥腸上割股肉 螺螄殼裏做道場

在水靠水在山靠山 嫁雞逐雞嫁犬逐  
犬 米船自上柴船自落 裏水不進外水不  
出 用人莫疑疑人莫用 來者不呆呆者不  
來 事不關心關心者亂 人無下賤下賤自  
生 日親日近日疏日遠 自尊自重自賤自  
輕 說話不明猶如昏鏡 飲酒未醉甚於活  
埋 一佛過世二佛升壇 大鬼上天小鬼落

地

熟皂隸打了重板子 窮和尚遇着極門

徒

難得四兩易得半斤 寧喫九斗不喫一

石

錢近手頭食近口頭 酒在肚裏事在心

裏

今年種竹來年喫笋 前人種樹後人乘

涼

蘿蔔剝半節喫半節 韭菜割一披生一

披

瓶兒罐兒有隻耳朵 蚊子虱子生條肚

腸

脚指頭抓三抓也是令 眼睛梢帶一帶

便有顏

海剛峯棺材擡進擡出 沈和猷磨子挑

去挑來

公修公得婆修婆得不修沒得 東風東

倒西風西倒無風直倒

笑癡集諺語

尖頭蚱蜢 長脚鷺鷥

六根清淨 八節平安

瓜熟蒂落 藕斷絲連

麻皮擦癢 豆腐開葷

苦中作樂 死裏逃生

棋逢敵手 酒落歡場



說說笑笑	哭哭啼啼
坐坐再走	去去就來
心高氣傲	耳聰目明
偷寒送煖	吃醋咽酸
魚龍混雜	貓鼠同眠
手忙腳亂	目定口呆
豆腐架子	燈草拐兒
逆風吹火	順水推船
勾肩搭背	抓耳搔腮
千金小姐	一等大王
隔靴抓癢	畫餅充飢
守株待兔	打草驚蛇
無千有萬	接二連三

---

般般皆會	小題大做	南征北討	刮骨療毒	漫天討價	上上下下	騎驃打鼓	快活公子	打退堂鼓	放馬後砲	看貨買貨	說話引話	獼猴君子
------	------	------	------	------	------	------	------	------	------	------	------	------

帳帳不清	舊店新開	東倒西歪	挖肉補瘡	坐地分贓	高高低低	對牛彈琴	邇邊婆娘	扯順風旗	吃眼前虧	在行怨行	將心比心	螞蟻官兒
------	------	------	------	------	------	------	------	------	------	------	------	------

打大罵小

寵妾滅妻

水底撈月

雪上加霜

天高皇帝遠

客少主人多

人人要體面

點點在心頭

懶人挑重擔

窮漢養嬌兒

毛頭小夥子

空心大老官

捉豬上板凳

牽牛過紙橋

扁擔兩頭踢

衙門八字開

三年兩頭閏

千佛一爐香

堂前挂草薦

嘴上塘石灰

活人說死話

強盜發善心

一身兼作僕

萬事不求人

疑心生暗鬼

空心打白牙

貨高招遠客

災退遇良醫

牙痛不是病

心淨自然涼

搖頭格戰戰

隨口打哇哇

口甜心裏苦

眼飽肚中飢

聾子放爆竹

外甥打燈籠

禮輕情義重

頭大尾把尖

盲人騎瞎馬

活鬼吃田雞

前客讓後客

大蟲吃細蟲

眼睛裏出血

眉毛上吹灰

人無千日好

娘有兩條心

春曉樓集諺語

獠師狗

豬婆龍

三脚猫

四眼狗

牽頭皮  
露水夫妻  
順水撐船  
一相情願  
對牛彈琴  
紙糊老虎  
踏梯望月  
嫁狗隨狗  
好貓勿叫  
牽牛下井  
出路有路  
借花獻佛  
橫七豎八

搔脚底  
酒肉兄弟  
畚雪填井  
兩不吃虧  
捉猪上凳  
牽線糊猴  
坐井觀天  
騎驢覓驢  
笨鳥先飛  
調虎離山  
過橋拔橋  
撒豆成兵  
接二連三

直脚野人  
黃婆罵雞  
老虎頭頸  
偷糞老鼠  
一佛出世  
糊猴上樹  
鈍光菩薩  
有錢施主  
眼飢肚皮飽  
手頭乾灼灼  
油炒枇杷核  
描金石卵子  
老鼠放猫債

平頭百姓  
張公養鳥  
山雞肚腸  
偵食野猫  
兩子送終  
老鼠搬薑  
苦惱天尊  
無業遊民  
嘴硬骨頭酥  
肚腸白條條  
風吹楊柳頭  
黑漆皮燈籠  
白狗趕羊陶

滾湯潑老鼠

點火捉蜻蜓

觀音齋羅漢

小鬼跌金剛

落難呂純陽

游春猪八戒

關老爺賣馬

姜太公釣魚

坑缸頭土地

糖擔上仙人

借因罵媳婦

強爺勝祖宗

牀底下放鷓子

雲端裏出批頭

裝一齣像一齣

幫三年學三年

呂純陽被狗咬

張天師遭鬼迷

先進山門一日大

新箍馬桶三日香

有了七托做八托

省却一錢是兩錢

羊去吃草鵝去趕

雞來討債鴨來愁

圓圖猪頭圓圖賣

鄉下獅子鄉下跳

長了舌頭短了嘴

落脫下巴爛脫鬚

臂膊上跑得馬過

眉毛裏捉出蟲來

三兩黃金三兩福

一朝天子一朝臣

有錢能使鬼推磨

無牛只好狗拖犁

一番生活兩番做

十年田稻九年荒

太陽裏噴出火來

拳頭上立得人起

一福兩命三風水

百響千尊萬聖人

三人道好十人道醜

一犬吠影百犬吠

聲

到岸要錢落水要命

上天無路入地無

門

靠山吃山靠水吃水

思食得食思衣得

衣

風吹一半兩頭全空 日看增祥夜觀無忌

酒德四眼狗打飛脚花花公子大材小用

飯緣三脚貓喪良心好好先生少年老

成

油嘴出手貨打地洞一團和氣十月滿足

粉頭見面錢開天窗滿面春風一年到

頭

白食小耳朵養家咒同窗朋友三長兩短

黃湯老臉皮護身符上床夫妻七高八

低

報喜放暗箭三叉路移花接木咬文嚼字

送窮刺空鎗十字街斬草除根耀武揚

威

拿倒鄉八老放慢線酒肉朋友捏兩把汗

丟開夢二哥扯滿篷柴米夫妻當一點

心

水手獨脚戲三只手患難朋友死心塌地

火頭兩頭忙五分頭恩愛夫妻怨氣冲

天

吃醋九頭鳥咬耳朵出路由路呼么喝六

咬鹽半脚雞打嘴巴在山靠山夾二連

三

朱鼎元集諺語

打狗就欺主

扶牛不上橋

平安就是福

習慣成自然

放下屠刀成佛

扯起籃盤做天

叫化子丟拐棍

張果老賣壽星

擡起衙門就知縣

橫了被臥移床鋪

浪子回頭金不換

強盜收心做好人

落雨挑稿薦越挑越重 當風打草鞋邊

打邊成

糊裏糊塗得過且過 懺裏懺懂自然而

然

某君集諺語

兩隻眼睛替換瞭 十個指頭連月生

青天無得箬帽大 皇帝也有草鞋親

熟豆腐燙殺養媳婦 急驚風撞着慢郎

中

靠山喫山靠水喫水 求子得子求財得

財

說風就風說雨就雨 嫁狗逐狗嫁雞逐

雞

東霍霍西霍霍明朝轉來乾癟伯 天皇

皇地皇皇我家有個夜啼郎

樂哉集諺語

人窮志短 馬瘦毛長

戲名對

金錢豹 玉夔龍

洪羊洞 牧虎關

打花鼓 賣草囤

打櫻桃 賣橄欖

烏龍院 冀州城 黑水國 迴龍閣 審李七 大嫖院 風雲會 滾紅燈 花蝴蝶 蘆林坡 百草山 春秋配 三娘教子

白虎堂 嘉興府 黃金臺 飛虎山 拿康八 小上坟 日月圖 賣青灰 玉麒麟 草橋關 五花洞 南北和 四郎探母

張義得寶 黑驢告狀 草船借箭 問樵鬧府 桑園寄子 蔣忠打虎 五老聚會 誘妻還妻 三氣周瑜 武松殺嫂 伯牙碎琴 元帥打更 九房合一子

蔣幹偷書 蒼蠅報恩 轅門射戟 打漁殺家 蒲棚認妻 周處斬蛟 二美爭風 搜孤救孤 七擒孟獲 目蓮救母 翠香寄柬 秀才討飯 五關斬六將

是書為貴筑楊蘇父先生遺著之一。先生工書法。尤熟於南北史。是書集石鼓文為聯。得三百五十則。集南北史為聯。得六百

為文藝之妙品

絲桐館

集聯彙刻

一册二角

商務印書館發行

極楹聯之大觀

六十餘則。無一不妙造自然。別開生面。為楹聯之大觀。本館精裝印行。以供文學家之珍賞。臨池家之參證。

元(336)

中華民國八年二月五初版

古今聯語彙選 集 四册

(每部定價大洋捌角)

(外埠酌加運費滙費)

編輯者 武進 胡君復

發行者 商務印書館

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 商務印書館分館

北京 天津 保定 奉天 吉林 龍江  
濟南 東昌 太原 開封 洛陽 西安  
南京 杭州 蘭谿 安慶 蕪湖 南昌  
漢口 長沙 常德 成都 重慶 瀘縣  
福州 廣州 潮州 香港 桂林 梧州  
雲南 貴陽 張家口 新嘉坡

★此書有著作權翻印必究★

七三五六陸



商 務 印 書 館 精 印

中 國 的 名 勝 寫 真

中國各地的名勝風景。本館差不多都已製成銅版，或珂羅版，精印出來了。諸君如欲旅行，不可不購買幾種，當做嚮導。如或極想旅行，一時不能如願，更要將他買來，當做臥遊。再不然，當作美術畫看，將他檢閱檢閱，也很可怡情悅性的。如今且將各種名目列出，以便君諸選擇。

中國名勝 一冊 布面三元  
 中國風景畫 二集 各四角  
 直隸名勝 一冊 七角  
 北京宮苑名勝 一冊 七角  
 西湖風景畫 一冊 四角  
 上海風景 三集 各一元

無錫風景畫 一冊 四角  
 中國名勝 每冊一元  
 黃山 一冊 廬山 一冊 普陀山 一冊  
 西湖 三冊 避暑山莊 一冊 泰山 一冊  
 衡山 一冊 孔林 一冊 廬山 一冊  
 雁蕩山 四冊 天台 二冊 廬山 一冊  
 五台山 一冊 西 山 二冊 盤山 一冊  
 大房山 一冊 西 山 二冊 盤山 一冊

▲其餘還有西湖及各地風景明信片多種，也是很精緻的。

商 務 印 書 館 發 行

名 人 尺 牘

歷代名人書札

二册 四角

歷代名人書札 編續

四册 六角

歷代名人小簡

二册 二角五分

歷代名人小簡 編續

二册 二角

范文正公書牘

二册 三角

司馬溫公書牘

二册 三角

歐陽文忠公尺牘

四册 七角

曾南豐尺牘

一册 一角五分

蘇東坡尺牘

四册 六角

王介甫尺牘

二册 三角五分

黃山谷書牘

二册 三角五分

張南軒尺牘

二册 三角五分

陳止齋尺牘

一册 二角五分

陳龍川書牘

二册 四角

呂東萊書牘

二册 三角五分

陸象山尺牘

四册 六角

陸渭南書牘

二册 三角

文信國書牘

三册 四角

顧古堂尺牘新鈔

六册 三元二角

姚姬傳尺牘

二册 四角

歸震川書牘

二册 四角

史忠正尺牘

一册 一角

錢牧齋尺牘

三册 有光紙書 遠處紙書

袁簡齋尺牘

四册 六角

曾文正公尺牘

四册 六角

曾文正公家書

八册 五角

俞曲園尺牘

二册 四角

吳擘甫尺牘

七册 一元六角

